

影印

文淵閣四庫全書

第一一四二冊

北京出版集團公司
北京出版社

本冊目次

海陵集

宋周麟之撰
周準編……………一

燕堂詩稿

宋趙公豫撰……………一九三

本傳

竹洲集

宋吳儆撰……………二〇七

附棣華雜著

高峯文集

宋廖剛撰……………三〇三

羅鄂州小集

宋羅願撰……………四六一

附錄

艾軒集

宋林光朝撰
明鄭岳編……………五五一

附錄

欽定四庫全書

集部
海陵集卷三

詳校官庶吉士臣李如筠

主事臣呂雲棟覆勘

總校官編修臣王燕緒

校對官編修臣盧遂

謄錄監生臣王爾熙

欽定四庫全書

集部四

海陵集

別集類三
宋

提要

臣等謹按海陵集二十三卷宋周麟之撰麟之字茂振海陵人紹興十五年進士中宏詞科任起居舍人歷擢兵部侍郎直學士院給事中知制誥翰林學士官至同知樞密院事宋史藝文志載麟之海陵集二十三卷與此本合前有淳熙癸卯周必大序亦稱其子準哀遺稿得二十三卷蓋猶舊帙序稱其久官於朝故其詩文因事而作者少集中內外制詞殆居其半今觀其集非惟贈答唱和寥寥無幾即奏議奏劄亦多不關軍國大計蓋其珥筆禁廷坐司綸誥不出國門而躋通顯與王珪約畧相似而文章嫺雅亦猶有北宋館閣之餘風非南渡諸家日趨新巧者比未可以

欽定四庫全書

海陵集
提要

專工儷偶輕也別有外集一卷其中中原民
謠十章盛陳符讖誇宋詆金又前後凱歌三
十首虛張虞允文瓜洲采石僥倖之功殊為
過實詞句亦多鄙俚不類麟之他詩考諸宋
志亦無此外集一卷之目殆其子諱而削藁
後人又掇拾附存歟謹削之而附訂其謬如
右乾隆四十六年三月恭校上

總纂官_臣紀昀_臣陸錫熊_臣孫士毅

總校官_臣陸費墀

海陵集原序

本朝沿唐舊西掖掌外制北門掌內制謂之兩制而非
侍從近臣之通稱也太宗時四方砥平人才輩出專以
是處文學器識之士禮遇非他官比二府有關率於此
取之惟參知政事蜀人蘇易簡尤被眷獎其自兩制入
中書猶未強仕淳化二年御飛白書玉堂等四字以賜
至今號為北門盛事災祚中興時則有吾宗樞密公茂
振以雋明之才辯麗之文受知上皇人皆以蘇公遇太

宗為比年踰三十由館閣兼掌書命其後真拜掖垣入
翰林三遷為學士每一制詞出學者爭相傳誦天子嘗
褒諭云卿久掌內外制中外士大夫咸稱得代言之體
紹興三十年復大書玉堂二字賜之其視淳化若合符
節公先世亦蜀人也後徙海陵登科者踵相躡所居號
叢桂坊世有顯人至公遂大用可謂盛矣公薨嗣子準
裒遺藁得二十三卷而內外制殆居其半蓋久官於朝
故其他詩文因事而作者少然溫潤精切鼎鑪可知向

使天假公年主盟斯文則述作之富雖至于百卷可準
刻意家學數以序為請予與公同宗同朝不得而辭公
諱麟之茂振宇也淳熙癸卯正月十日周必大序

賦

檻泉賦并序

陽羨祖瑩之左有泉正出蓋詩所謂甯沸檻泉
者也暇日往觀感而賦之

君山之陽大城之阜松楸城乎其中有泉出焉于蒼龍

之首隱若靈湫豁若胥井吹波若魚目沸滴若湯鼎吁
此何水也若是其異乎山人告予曰維山之顛我魏
魏三峯環峙中窪如卮萬斛之水瀦而為池蛟龍之所
蟠神物之所司水滔天兮不溢旱竭澤兮不虧下灌注
乎山隴之脉上潛通乎天潢之涓淼若陂浸之在望常
未雨而生雲霓泓泓兮淵淵行地中兮冥然值冲秀之
所萃乃奮迅而出焉稽之古詩是名檻泉其正出也萬
竅互發蘊淪洄漩迸澄沙之金碎激浮漚之珠圓吹嘘

手管灰之飛眩轉乎風蓬之旋其洩流也澗道委蛇如
玄雲之觸石過流不平而鳴鏗鏘乎佩玉之音悠揚乎
宮徵之聲擁山川之秀潤朝鬱鬱之佳城若乃陰伏陽
亢害於有秋萬壑源斷千畦塹浮火雲晝燎燭龍夜游
山岳焦金石流則是泉也其澤涓涓其聲濺濺走餅鯁
於百里溉稻秫於平田其羨流餘浸猶足以已道渴而
灌蔬園也出山隈踰南阡斯前抵于大澗之濱而下會
乎東瀉之川則其澤物之功宣淺淺哉予乃撫然曰夫

欽定四庫全書

海陵集
卷一

三

天下之水殊源異族注川曰谿注谿曰谷仄出而泛則
為汎懸出而溜則為沃湧輪口而凌空則為汾陰之瀦
下萬仞而曳練則為匡廬之瀑弱水則鴻毛莫載湯泉
則不火而煥或止或行或見或伏各隨物以賦形紛莫
數乎衆目茲檻泉之盛沸不繫見于編牘豈先德之涵
潤故於此發長源而兆吉卜也因相與植杖而坐挹泉
而飲之且歌曰泉之流兮流祖之德肆其後兮沐靈澤
泉之清兮為文英泉之涌兮騰仁聲世世兮承休與茲

水兮同流

詩

郊祀慶成

紫極三階正黃宮一氣旋迎陽周吉土練日漢甘泉考
典陳商輅占祥察舜璿朝冠紛瓊璫齋幄湛壇蜎荔席
方顯若油雲已廓然瑤源尊始祖絳節從羣仙碧瓦霏
煙外雕梁麗日邊大音諧美樂芳薦列嘉籩默喜雲孫
燕深期鼎祚延六虬紆制蹕九廟闢崇筵鬱鬯香粢熟

欽定四庫全書

海陵集
卷一

三

芝楹瑞葉連醇犧登碩俎肅倡被朱絃奏靈咸格誠
存禮不愆清晨登玉軼綵仗揭龍旂虎旅羅三衛蜺旌
亘百屋展容趨泰時哀福對蒼園宸坐張皇邸帷宮駕
采椽鼓鐘傳禁漏星月祭高躋護畧車迴斗熒煌衣象
天華支金擢秀雅奏玉鳴鉤虛次停垂佩登壇儼奉瑄
蘭生芬猷竿電燎鬱升煙氣晏樵蒸煨天澄境落褰涓
成均拜昨朴慶趣摩肩鳳蓋端闕敞蠅書惠澤宣自欣
千載遇叨貳六卿聯簪筆珣輿上扶圭繡黼前獨多親

日表敢後贊雲篇帝德惟天大臣心匪石堅願言陪虎
拜寶歷萬斯年

太廟觀芝草

九廟寧神藹德馨煌煌又見產芝英香凝薦掌椒蘭潤
色映雕梁日月明紹復祖宗全達孝感通天地契精誠
試披瑞牒占休應看取皇家萬葉榮

曉開疏屏望榮光仰見威靈燭下方二本同極真盛事

三年疊秀是殊祥好圖瑞采增旗幟

二十五年太廟芝草生是歲郊祀臣

欽定四庫全書

海陵集

四

乞依乾德中太祖親郊作三瑞旗故事特製靈芝旗有旨從之

更誦靈華續樂章

頃歲臣寮

當請以太廟瑞芝播之樂章

拜舞共陳歸美頌喜浮春殿九霞觴

苦熱行

君不見浣花老翁初作掾觸熱簿書塵滿案坐曹束帶
總不能但欲赤腳踏層冰又不見青蓮居士金門客懶
搖白羽巾挂壁有時裸袒青林中只知露頂洒松風二
子英規凜千古筆奪造化驅風雨如何避暑如避仇叫
呼競作驚人語是身本與天地同要當捫腹無弗容世

間冷煖翻覆手焉用夷隘患不恭我方窮居度炎熱火
雲爍山金石裂一讀清詩百念空炯若冰壺浸明月

憂旱

老農病旱如膏肓汲井灌秧秧已黃湖田半作龜兆圻
河渠斷道不可航救旱不必焚巫尪當去民害烹弘羊
嗟哉銷變此不務龍川佛舍徒祈禳中興天子食不遑
側身感天天與祥需然坐待三尺雨擬賦雲漢歌宣王

讀戰國策

欽定四庫全書

海陵集

五

從人為從六國強橫人為橫六國亡悲夫不用殯秦計
徒以委肉強虎狼一朝秦甲下函谷指揮韓魏如羣羊
坐令不費一隻矢山東千里無金湯我窺塵編三太息
諸侯自覆非秦力紛紛二百四十年說士遊談空滿籍
我將西上弔興亡南山自有能言石

秋日坐寐覺而有作

南國逢秋色西風擾客心久間安飲啄多病廢登臨壁
倚青藜杖窓橫綠綺琴無魚甘糲食有酒任孤斟地僻

千山瘠人稀萬籟瘖懶同牛卧攏倦劇鳥歸林紙閣居
容膝繩牀坐整襟縮頭須爾伴便腹莫吾箴俛仰三眠
柳徘徊五戲禽忘形初隱几得趣漸歌簪不假仙遊枕
寧須女抱衾乍疑身栩栩已覺息深深白鳳才難繼黃
梁事可尋有人呼晝漏何處起寒砧短夢遽然覺斜暉
慘欲陰桂開香吐粟菊認藥攢金磨熟雙旗茗爐殘小
辦沈感時思別墅開戶見遙岑自別堯庭邃俄驚墨突
黔背無三甲起頭有二毛侵咎往眉難炙言歸足尚脣
欽定四庫全書

海陵集
卷一

六

靜忘波洶洶老諳歲駸駸幸得安心法聊為擁鼻吟黑
甜誇勝味黃落寄餘音猿鶴休相怨萍蓬自不禁却愁
宵寐少卧聽竹蕭森

雙投酒

君不見白玉壺中瓊液白避暑一盃冰雪敵只今名冠
萬錢厨此法妙絕天下無又不見九重春色舊薇露君
王自酌觴金母味涵椒桂光耀泉御方弗許人間傳向
來我作金門客不假釀花并漬核日日公堂給上尊時

時帝所分餘瀝一朝釋珮投江村卻訪田家老瓦盆道
院丹泉灰脚重官爐玉友糟頭渾有酒如此寧不飲但
賦獨醒招楚魂錦谿昨夜秋風入梧葉雨殘溪水急呼
奴為我挽飛流滌瓮燎薪炊玉粒奴言新釀良未宜此
間寒燠來無時雙投舊法酒經載今焉可試君無疑初
觀白醕寒漿溜再加麴米成重酎色如竹葉照人明香
似蘭英和露透妻孥一笑賤竿空所恨無多纔數斗嗟
予性與禮法疏況此掃軌甘窮居肯學鷄夷隨後車不
煩騎驢驥子扶焉用拊缶歌烏烏一觴一詠聊自娛

欽定四庫全書

海陵集
卷一

七

飛來峯

西域斬前羣玉峯懸崖萬丈穿玲瓏世人不識真鬼工
夜半躍起隨雷風天與西湖作奇觀巖然飛墮羣山中
海風吹雨萬壑暝往往密有雲相通遙望煙鬟出林塢
重巒面面青蓮宇孤雲起石風生泉游人六月不知暑
世傳飛來我亦疑摩挲蒼壁心更悲當年禁固山水遠
艮岑一石須人挽無人把酒酌山靈飛入君王上林苑

賦張參政四老堂

散策相從倚玉鳩不須更伴赤松遊林塘在眼供舒嘯
花鳥催詩好勸酬一座幾盈三百歲

公四兄弟年皆六十餘

四翁

宜壽八千秋堂前風物如伊洛尚欠香山與石樓

西望斜川烟靄低荆溪東下泛清漪夜來風雨秋懷共
春草池塘晝夢遲江左便傳花萼集曲中休奏紫芝詞
安車不日聯鑣至銀角桃枝上玉墀

呈鄆人李簽判

欽定四庫全書

海陵集

八

錦江煙水春茫茫錦城遊宴歌舞狂酒酣緩轡踏花去
尚說當年先侍郎

吾家本鄆人先侍郎仕蜀日芙蓉堂詩有踏花歸去馬蹄香之句

後

來游宦家因徙子孫不復歸桑梓世居淮海二百年路

隔關山七千里兵戈南下風塵昏衣冠渡江黃屋奔淮

鄉幾作邊成地叢桂舊第無一存

海陵舊居名叢桂坊

我從避亂

梅花搗釣月眠雲拉巢許爾來又卜南郭居自笑飄萍
無定所見君襟韻真謫仙從來遊戲壺中天眷言我祖
舊同閑邂逅笑語心豁然平生行李遍方外南逾五嶺

入蒼翠脫靴未屈力士手探囊已壓髯奴背為歎干戈
何日休浮家泛宅江海遊丹砂鍊就葛洪鼎茶竈行隨
魯望舟天涯一見傾蓋舊青城猿鶴知存否會當叱馭
過邛邛相從却飲鄆筒酒

呈伯父元仲二首

我伯氣吐虹貫日干戈光曾中有和璞發揮見文章筆
追羲獻風句壓曹劉牆平生太古心孰得窺行藏人間
富貴味掩口不一當方朔飢卻死次公醒而狂方寸不

欽定四庫全書

海陵集

九

受折養此百鍊剛江湖五十年飄飄曳征裳晚歲一區
宅欲並幽林塘浙東山水窟選勝方徜徉蘭溪得佳致
行築鍾山堂自顧世路險機穽寧易防俛首吾不能高
卧庸何傷貧賤苟自得麪糗皆膏粱願言守此志鵬鷃
聊相忘

干戈十年餘荏苒百憂至誰憐齒未壯遽失綵衣戲捫
心天不聞空下千斛淚藐然一星孤未忍隨以逝雨濕
新松楸塵生舊輦院奈此愁絕何況復形夢寐蕭蕭風

樹悲此恨豈有既念昔鬱亂中從公識奇字一從江淮
別歲月不復記公尋武夷春我友頤山桂此來忽相見
再拜只流涕忽忽悅情話恍若已隔世先人有遺經風
夜焉敢墜餘生倘未殞肯負平日志但恨不及親臨風
一獻欵

寄伯父元舉

我家百笏門族望甲鄉國堂堂六世祖名在碧落籍人
曰吾故侯善政光古昔後裔聯簪纓北原陰榆柏里居

欽定四庫全書

海陵集
卷一

十

百餘年世出二千石當時叢桂中鳴珂動城陌變故忽
相仍流蕩兵火厄一經焚劫餘故里半荆棘奔騰豺虎
羣逃避天地窄十年湖山游幸不死鋒鏑朝穿雲麓青
夜釣月溪白間關度陽九闔室僅安適遠嬰風樹悲呼
天淚橫臆坡陀東龍岡悵望隔窻空
先塋在陽羨東龍山故鄉渺
歸期異縣悲久客北轅吾未能遽絕江海隔思我伯父
賢一別幾更歷寇至獨不去巍坐空四壁高標揖夷齊
九死出焚溺居為一鄉望後學所矜式泮水修復初儒

盟首開席我獨隨風蓬孤陋阻規益明年秋鴻飛槐花
動行色庶遂升堂拜情話輸悃幅詩成喜不寐興逐飛
天翼

答宋子開

冀北百馬一駃騠沅江之鼈九肋稀海邑千室士半之
異材傑出今其誰有客有客氣吐霓行年五十縫掖衣
青鞋白帽鬢未推筆下妙絕黃絹碑句中參徹後山詩
邂逅一見秋雲披立談展盡胸中奇如刮眼膜如起痿

欽定四庫全書

海陵集
卷一

十一

便許握手論文期看君有蘊未一施杜門却掃甘幽棲
草樹薺薺含奇姿兩堂對啟白板扉我時剝啄叩扉度
君出迎笑喜見眉晴窓坐隱花影移茗椀未盡爐香遲
手弄麈尾風颼颼主人得意客忘歸嗟予懵學安所師
矧復少也逢百罹尚賴先德流餘滋遺編爛爛星斗垂
墨猶未乾吾忍窺梅花一詠偶弗遺君能鑒賞了不疑
惜哉不與君同時生前未免俗子嗤身後有此名流知
嗚呼吾意其何悲

上王吏部

人物南州望風流一代英風傳天上譽早夢月中名車
載三千牘鵬飛九萬程向來辭泮水端合上仙瀛接武
虞廷邃舍香漢殿清漸看丹極近首冠列星明準擬陪
三接周旋位六卿鑑分金背重綵並紫荷輕未見恩綸
出那知謗篋盈去朝雲路香歸侍綵衣榮地借微之竹
樓吹子晉笙赤心何所負白眼不須驚自顧銜恩厚親
逢較藝精妍媸歸藻鑑高下見文衡夢絕懷蛟異詞非

欽定四庫全書

海陵集
卷一

三

吐鳳成賦能窺小小經漫說鏗鏘誤玷春官籍終慙月
旦評搶榆幾類鷗出谷僅同鶯志慕青錢士名參玉筍
生別深秋鶴怨歸問海鷗盟未作河西尉聊為江上行
夜沈灘月釣曉壓隴雲耕歲暮人初返天寒雨未晴久
稽從杖履且復卧柴荆後見舍深惡微吟寫至情佇聽
宣室召鳳閣繼家聲

見張運使郎中

風度顒顒白首郎清朝趨奏久舍香東南德望龍津閣

甲乙科名鴈序長使節不辭驪駕遠卿家重見戟門光
願公早入承明去一試囊中活國方

野鶴摩雲萬里心一枝聊復寄高林愁邊舉目江山異
客裏登樓歲月深長欽誓為知己用短檠空伴讀書吟
龍門不拒通家子應許來聽正始音

送王時亨舍人帥蜀詩二首

煌煌大筆照坤維忽見文星下紫微萬里江山渾改觀
九重紳笏更爭輝占松不假刀形夢換馬端期鵠赴飛

欽定四庫全書

海陵集
卷一

三

試問鄆筒故鄉酒路人應唱踏花歸

一從鴈塔綴英游又見功名得志秋丹闕萬人窺榜眼
碧幢千騎擁遨頭錦城日暖惇鰥舞玉壘煙深鎧仗收
它日中和聞善政一琴寧復久淹留

和陳大監

君不見漢業已定猶勁兵白登坐困師無名席門先生
計無誤點虜不得窺平城論功自合班人傑蓋世拔山
威盡折漫誇勲業是韓彭我出六奇秦項滅後來漢道

如衰周德尊一代陳太丘二方相繼厲名節不顧羔鴈
真善謀雪霜貿貿年芳改凜凜松筠見風采豺狼當路
狐狸號獨有孤鴻橫四海至今逸韻傳清商雲和之瑟
絃高張耳孫磊落天下士大才有出皆其長胸中萬卷
饒丘壑鮮取遺音叩寂寞一朝解組又彈冠出處無心
付天樂我輩等是風月人昔也同閑今為鄰不妨對語
味如蠟擾擾萬事從橫陳

再次韻為謝

欽定四庫全書

海陵集
卷一

十四

公詩律嚴如用兵江淮草木先知名少當千人掃文陣
晚策百勝攻愁城詩壇老將天下傑筆倒三江流萬折
時將妙句吐長虹李杜文章光不滅由來事業師伊周
詎止博識窮九丘星列丹墀藹華望月昇金掌陳嘉謀
脫冠歸來雙鬢改任爾功名爭好采揮絃月下奏高山
擊楫波間哦小海方今祝網仁如商聖賢相逢治具張
鶴書旁午詔多士不以稷闡遺寸長如公豈得栖林壑
焉問曉猿驚索寞歲晚方諧魏闕心官閒不減商山樂

湖上春來花惱人不憂貧依富鄰朋友膠漆古來事
願言握臂追雷陳

趙見獨示所業并詩次韻謝之

沅江九肋稀端問學不學向來屠沽輩過眼褐寬博如
公負奇才尚隔雲津躍昔吾先隱君早識麟一角聯翩
錦囊句紆餘仍卓犖千載埋玉悲孤芳竟誰擢別來二
十年歷歷記前作賤子更百罹素業守彌恪餘輝忽振
耀如獲西山藥清夢到釣天求音叩寂寞中宵對蓮炬
何以稱光渥辱君瓊瑤篇重愧鼠呼璞大軸閱洪源洵
湧千澗落一洗胸中塵豁若春雲廓

欽定四庫全書

海陵集
卷一

十五

以珠子香建茶寄皖公山馬先生

筠谷珠璣北苑春寸誠千里託靈芬為投白鹿岩前客
何日容分半席雲

送台道人

我祖來從錦江曲尚憶耶筒醉春綠輕衫拂石踏花歸
近傍青城結茅屋

余家本郢人先侍郎仕益蜀王為翰林學士有拂石坐來衫袖冷踏花歸

去馬蹄香之句傳于子孫散作淮海居奕葉英風凜相

世當隱居青城山

續不惟叢桂競傳芳時有高人更趨俗余家登科者二

所居為叢桂坊或隨羽化附青蛇伯父過呂公十餘人海陵號

局伯祖得道宣和間累詔不起封守我生本是林泉人

失脚塵中困羈束每逢蜀士話維桑便欲攜筇訪前躅

道人家世出巴西萬里江山見眉目笑施砭石起膏肓

坐察形神窮倚伏我席為門君荷梅相見忘情謝榮辱

幽香小鼎暮烟橫濁酒一盃春蟻綠此身多病經百罹

欽定四庫全書海陵集卷一只合紉蘭與餐菊休論燕領覓封侯莫說鳶肩騰火速

我有風懷就問君何時一飽顏公粥今日君行跨奔鹿

欲下鵝洲穿柳谷他年願結白雲期與君同看金峰鵠

送僧大通還山一首

三年虎卧白雲關誰念窮猿失故山野客已拚花自落

道人全與鶴俱還麗眉皓首雙松老白氈青絲一室間

何日得追塵外趣聽君擊鉢翠微間

戲呈珉禪師

我來何幸識支郎百丈峯頭寶月光質薄自憐非燕頤

逢窮誰信是龜腸漸看鬢底千絲白敢說眉間一點黃

坐見錦溪秋水闊不知何日理歸艎

欽定四庫全書

海陵集

卷一

海陵集卷一

欽定四庫全書

海陵集卷二

宋 周麟之 撰

詩

終風行

北風駕寒萬竅號聲如八月江上濤又疑大鵬上青霄
南溟水擊搏扶搖昆陽陣敗虎豹嘯撼城飛瓦千兵逃
焚輪夜起狂終朝直憂卷屋掀重茅我居門巷如荒郊
衾無續燭裘無羔苦寒獵獵吹緼袍笑引藤樽漱濁醪
不妨高卧醉陶陶夢騎天馬騰長颺睥睨玉臺閭闔高
風聲詩興兩鬪豪醉中一掃白雲謡

望秦川歌

明皇幸蜀一日登高山望秦川謂高力士曰吾
聽張九齡言不至此馬上吹笛為曲號謫仙怨
今亡焉因為八章以申其念舊之意

長安回首戰塵中馬背行吹一笛風寄恨翻成謫仙怨

始知深負曲江公

錦囊留得玉環香不見佳人空斷腸北望秦川烟草滿
尚疑飛燕舞昭陽

向來花萼弄春輝曾把寧王玉笛吹樂事已隨風燭過
如今橫笛不勝悲

蜀山春動錦江流水綠山青總是愁愁絕不堪山上望
無人解與月宮遊

雨聲鳴棧不堪聽盡日穿雲上杳冥羯鼓催花渾不記

欽定四庫全書

海陵集
卷二

曲中空唱雨霖鈴

漁陽千幟掃空來滿目妖氛鬪不開為問玉京何日復
傷心黃屋幾時回

煙霞縹緲認驪山遠想樓臺紫翠間尚欲神遊太真院
不知身過鬼門關

阿瞞按舞長生殿妃子洗粧端正樓此去恰如巫峽夢
相望千里事悠悠

愁懷三首

雨沐秋容淨雲橫天宇高溪流走城塹木葉下亭臯興
引淵明酒寒侵范叔袍清愁不能已高枕誦離騷
燕去簾帷靜蛩鳴機杼忙淒風萬籟息夜月一奩光自
喜襟懷豁寧為景物傷幽窗有佳致坐挹桂花香
江遠蓴鱸晚逕荒松菊寒近知秋信好更覺旅懷寬遠
杵風催急橫琴夜向闌飄零莫惆悵吾道久艱難

觀梅

春來物物未關情只與寒梅有舊盟芳信已催詩興動

欽定四庫全書

海陵集
卷二

三

幽香還釀客懷清月摹瘦影橫窗淡雨浴疎花照水明
却憶去年花下飲共持盃酒泛飛英

和元革叔無悶齋

家在濤江欲盡頭結茅寧為樂休休達人自得一經趣
游子空懷千歲憂坐對聖賢唯酒適身憑形影以詩酬
公今非遜元無悶要把韋編續聖丘

初除西掖士華兄以詩贊喜次韻為謝

向來歸卧白雲邊忽拜君王詔墨鮮誰借羽翰超弱水

又隨簪橐過甘泉酒同今夕兄酬弟詩比當年聖得賢
潤色正須燕許手小儒那有筆如椽

西園堂榭落成種植畢工偶成口號十首呈叅政

張公

遯叟高眠石磴雲鴟夷長泛五湖春爭如畫錦延華萼

同作商山四老人

公以四老名堂

華堂迴出複城高更買鄰園徹古壕要展渭川千畝竹

賸栽錦里百根桃

欽定四庫全書

海陵集
卷二

四

釣簾待燕春風裏把酒酬花夜月前更啟西窗納清景
煙光如畫擁斜川

城外青林可當山橫雲翠靄鬱孱顏虛堂一枕林泉夢
如在煙霞縹緲間

林花倒影落清池池面春波泛綠漪更築小橋亭上去
便成家世授書記

小谿深樹鹿呦呦野鶴無聲蕙帳幽風月滿亭供笑語
依然不減醉翁游

草木青歸二月天，川原明媚發春妍。
臨流忽見寒梅影，皎若凌波洛浦仙。

花梢日上雨痕乾，冉冉香風破嫩寒。
眼底便知紅紫近，山茶先放鶴頭丹。

幽叢灌木便成林，準擬炎天百步陰。
應許春禽樂餘蔭，鷓鴣穩寄一枝深。

水流映帶清潭宅，野望遲迴半月臺。
只恐官鶯阻陪賞，日邊便有鶴書來。

欽定四庫全書

海陵集
卷二

與蘇州守十詩以兵衛森畫戟燕寢凝清香為韻

吳山濯濯烟鬟青，湖水練練光遶城。
城中主人目如電，爽氣坐納山水清。
千門鳴絃夜月靜，四野垂穎秋雲平。
試占古語詠侯德，一賢可當百萬兵。

蘇臺屹立層霄裏，環望水雲三百里。
十年草綠春城荒，麋鹿肆游歌舞地。
公來一顧風物新，華屋下蟠烟靄翠。
正須滿意事登臨，早晚中臺拜英衛。

館娃宮院秋沈沈，採香芳逕花委金。
吳王舊事久寂寞，

此地猶懷千古心。黃堂高興動樽俎，三百畫橋絲管音。
吳儂但識宴會樂，那知遶屋棠陰森。

城西連施楓橋夜，城東接舫閤門下。
細聽來往棹謳聲，一一歌呼頌仁化。
爾知德政並龔黃，我慕風流到王謝。
會當臨景賦新詩，寫得吳中有聲畫。

洞庭雨斷魚天碧，松江月明波動色。
剪摘霜包照座黃，鱸雪縷堆盤白。
秋到湖山最佳處，此景付公天不惜。
英名自是龍驤家，更待高閣立幡戟。

欽定四庫全書

海陵集
卷二

相門舊列名臣傳，挺挺遺風眼中見。
遠覽初褰賈父帷，仁風已滿袁宏扇。
坐看詔璽天邊來，袖章入對金鑾殿。
好追樂事醉昇平，日奉宸游玉津宴。

一方靜治民安枕，天子英明用人審。
慈厚薰然布帛溫，威明皎若冰霜凜。
幹旋妙手經畫餘，貫朽如山粟填廩。
禁闥還容汲直歸，淮南定報姦謀寢。

六飛南駐開陪京，朝廷恃此為金城。
元侯卧護股肱郡，去天尺五日月明。
誰憐游子歲一過，欲往不得如流萍。

今日西風要留客好山橫道煙光凝

青衫飄泊江海生十年蓬底載我行每逢勝地一長望
江山舉目難為情登樓幾作仲宣賦在野猶帶倪寬經
邇來困甚幾執熱願焉一濯秋風清

蓋公論治齊相堂穆生酌醴元王觴古人好士乃如此
名重千載尊而光我公風度冠今昔龍門冠蓋春雲翔
微才詎敢充旨味藥籠庶容芝桂香

辛酉大雪戲成十詩以千山鳥飛絕萬徑人蹤滅

欽定四庫全書

海陵集
卷二

七

為韻

北風夜捲地凍雲曉黏天黃竹歌未終飛霰集我前森
羅崑山壁零亂淮夷墳縛賊懸鉅城安得兵三千

跨驢遊灞橋策馬阻藍關詩人自清苦逐客何當還我
獨擁敝繭高卧環堵間黃精已無苗斷雪思舊山

松桂亦華顛瓦石背玉表造物不作難夜半月出皎書

窗互照映甕牖驚易曉舉頭忽彌望萬里絕飛鳥

複帳麝香篝綺席羅妓圍焉知葦門子清哦袖鵲衣臘

白三日寒遽使晝掩扉愁思已如許共作風絮飛

舊聞沙漠寒磧鹵一文雪誰憐牧羝人白首持漢節朝
廷北顧憂歲晚不忍說寄言上林鴈何事音信絕

堆盤水精鹽翻匙雲子飯年年六出花不必以瑞獻浪
言平地尺貧亦非所願愁無儋石儲安敢擲百萬

林梢宿鴉翻未覺烟樹暝蕭蕭打窗聲慣向雲屋聽冰
結積已深風收舞初定凌晨出門喜折屐印樵逕

吾無千金裘為博麴米春牀頭臘甕熟漉以淵明中飲

欽定四庫全書

海陵集
卷二

八

少輒至醉醉眼迷天垠衝寒望南巷不見披氈人

千騎射獵軍一簑垂釣翁寒江與曠野得意應無窮顧
我俱未暇緩步聊倚筇惜此連璐白沈以雞犬蹤

佛衣珠唾飛撼樹縞裙裂巡簷索梅笑敲枕聽竹折念
此積雪寒憂世心愈切夜分耿不寐風燈半明滅

自南山歸口占上王閣老

湖上清遊樂有餘玉山未倒不須扶後堂深處無人到

尚許鴟夷託後車